

[www.s-chanf.ch](http://www.s-chanf.ch)  
[www.scoulaepromozion.com](http://www.scoulaepromozion.com)

## **VSCHINAUNCHA DA S-CHANF**



### **REGLAMAINT**

**davart las structurass da di da la scoula  
primara da S-chanf**

# Reglamaint davart las structuradas da di da la scoula primara da S-chanf

## Art. 1

L'organisaziun, la coordinaziun e la controlla da la scoula da di suottasto al cussagl da scoula, chi po deleger las lezchas a la magistraglia da la scoula primara S-chanf.

La contabilted dals quintes per las famiglias vain surdeda al büro cumünel chi trametta ils quintes a las famiglias.

## Art. 2

Survagliaunza da la maisa da mezdi:

Persunas d'instrucziun cun ün pensum da dapü cu 66% dessan surpiglier scha më pussibel üna vouta l'eivna la maisa da mezdi.

Survagliaunza lecziuns da lezchas:

Cun ün pensum da 33% es üna persuna d'instrucziun da nossa scoula oblieda da surpiglier üna lecziun da lezchas l'eivna (TII=temp d'imprender individuel).

Cun ün pensum da 66% es üna persuna d'instrucziun da nossa scoula oblieda da surpiglier duos lecziuns lezchas l'eivna.

Cun ün pensum da 100% es üna persuna d'instrucziun da nossa scoula oblieda da surpiglier trais lecziuns da lezchas l'eivna.

La magistraglia scumparta la survagliaunza da la maisa da mezdi e da las lecziuns da lezchas tenor pussibiliteds da las persunas d'instrucziun.

Remuneraziun:

Las magistraglia vain pajeda ad uras cun ün import fixo da la suprastanza cumünela. La survagliaunza da la maisa da mezdi cumainza dalum zieva l'ultima lecziun da la bunura e düra fin tal retuorn a scoula.

Las lecziuns da TII resp. las lecziuns da lezchas pels iffaunts da la maisa da mezdi, cha las persunas d'instrucziun survaglian, vegnan notedas e remuneredas scu lecziun singulas culla tariffa da las lecziuns da TII.

## Art. 3

Tuot ils iffaunts chi frequentan la scoula primara u la scoulina da S-chanf, haun la pussibilited da fer adöver da la spüerta da las structuradas dal di. Las annunzchas vegnan dedas giò in scrit.

Per la maisa da mezdi paun las famiglias annunzcher a lur iffaunts adüna la fin da lügl pel prüm semester ed aunz las vacanzas da Nadel pel seguond semester da l'an scolastic.

#### **Art. 4**

Las structuradas dal di cumainzan cul prüm di da scoula dal nouv an scolastic.

#### **Art. 5**

Las structuradas dal di vegnan spüertas da las 07.30 fin a las 18.00. Ils iffaunts vegnan punctuelmaing eir a las lecziuns da las structuradas dal di. Absenzas haun da gnir s-chüsedas per telefon u SMS/whatsapp a la magistra / al magister da classa u a la mainasoula.

#### **Art. 6**

Chi chi fo adöver da lecziuns da sustegn da lezchas al di u da las uras da survagliaunza, remunerescha quist cun ün import per lecziun (45 min.). L'import es fixo da la suprastanza cumünela sün fr. 5.00 per lecziun.

La maisa da mezdi quinta scu ün'united.

Las lecziuns da TII vegnan spüertas da la vschinauncha, uschè cha per quellas nu resultan cuosts per las famiglias.

Absenzas da la maisa da mezdi vegnan notedas e subtrahedas dal totel dal import da las famiglias. L'import pels gianter vain miss in quint cul import per la survagliaunza.

#### **Art. 7**

Per üna lecziun da lezchas e per la maisa da mezdi fo que dabsögn d'almain quatter scolaras/scolaras (pretaisa chantunela och iffaunts). Scha tar üna lecziun da lezchas aintran dapü cu 10 annunzchas, schi vegnan trapiartieus ils iffaunts in duos gruppas tar duos differentas persunas d'instrucziun.

#### **Art. 8**

Las scolaras e'ls scolaras annunzchos chi haun a fin las lezchas, ma chi faun adöver da la spüerta da survagliaunza fin las 18.00, lavuran üna lecziun vi da las lezchas u/e vi da fögls da lavur da sustegn. Zieva paune fer ün gö, fer ün disegn u ler qualchosa.

#### **Art. 9**

Sur mezdi vain spüerta la maisa da mezdi. Accumpagno d'ün magister/d'üna magistra vo la grupp da scolaras e scolaras annunzchos a manger gianter in ustaria. Zieva il gianter faun ils scolaras e las scolaras lur lezchas, survaglios da la magistra/magister da la maisa da mezdi u/e da la persuna d'instrucziun chi survaglia la lecziun da TII. Ils cuosts pel viedi cul bus/tren per ir a l'ustaria, surpiglia la vschinauncha.

#### **Art. 10**

Iffaunts chi nu sun annunzchos pels gianter per üna perioda, paun gnir annunzchos eir spontanamaing per ün u l'oter gianter fin a las 08.00 la bunura da quel di. In quist cas es da der ün telefon, scriver ün SMS u ün mail in scoula.

### **Art. 11**

Las famiglias paun annunzcher lur iffaunt adüna per ün semester. La spüerta annunzcheda stu gnir ütileda per quist semester. Sainza avis cuntrari restan ils iffaunts annunzchos eir pel seguond semester per las medemmas lecziuns. Las annunzchas per las lecziuns da TII velan da vacanzas a vacanzas. Sainza avis cuntrari restan ils iffaunts annunzchos eir zieva las vacanzas per las medemmas lecziuns da TII.

### **Art. 12**

L'an vain trapiartieu in duos semesters per la maisa da mezdi ed in tschinch periodas per las lecziuns da TII.

### **Art. 13**


Sch'ün/a scolar/a nu's cumporta in uorden illas lecziuns da la scoula da di, orientescha il magister/la magistra da classa dalum ils genituors. Scha que nu do ün amegldramaint, schi ho il magister/la magistra il dret d'excluder il scolar/la scolara da las lecziuns da la structuradas da di fin tar las prosimas vacanzas.

### **Art. 14**

In cas ch'üna persuna da la magistraglia vain amaleda u es absainta, haun ils scolars e las scolaras da la scoula primara listess scoula. La classa lavura tar ün oter magister/tar ün'otra magistra.


Quist reglamaint es gnieu revais parzielmaing da la suprastanza cumünela ils 6/01/2021 ed aintra in vigur retroactivmaing pel an da scoula 2020/2021.

Il president:

  
Riet R. Campbell



L'actuar:

  
Carlo Planta Wildenberg